



Bjørk Lange Olsen
Inatsisartunut ilaasortaq, Demokraatit

**Timersornikkut anguniakkat pillugit – § 37 naapertorlugu apequtip nr. 144/2023-p
akineqarnera**

20-10-2023
Suliap normua: 2023 - 3471
All. nr. 23495560

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Bjørk Lange Olsen,

Inatsisartut suleriaasiat naapertorlugu apequtinnut qujanaq. Apequtigineqartut
tullinnguuttuni akissuteqarfigissavakka.

Apeqqut 1: *Kalaallit Nunaata 2030-imi nunarsuarmi aalanerpaajunissaannik
anguniagaq tapersersorniarlugu, Naalakkersuisut ersarissumik qanoq iliuuseqarniarpat?*

Akissut: Inuunermut peqqinnarnerusumut innuttaasut suliniuteqarnerata
nukittorsarnissaa siunertaralugu piffissamut 2023-2027-mut angusassat pillugit
isumaqatigiissut Naalakkersuisut aamma Kalaallit Nunaanni Timersoqatigiit Kattuffiata
atsiorpaat. Angusassat pillugit isumaqatigiissut illuatungeriit ataatsimoorlutik
aqutsinissamut atugassaraat Naalakkersuisut politikikkut pingaarnersiugaannut aamma
Kalaallit Nunaanni Timersoqatigiit Kattuffiata (GIF) namminneerlutik periusissiaannut
isumalluutinullu pingaarnersiunerannut atatillugu timersortartut pikkorinneraat
pitsaanerpaamik atugassaqartinniarlugit suleqatigiinnissamut qulakkeerinnittussaq.

Angusassat pillugit isumaqatigiissut ilaatigut assigiinngitsunik pingasunik suliniutinik
imaqarpoq:

- 1) ingerlatseqatigiiffinnik peqataasitsineq, illuatungeriit timersornerup iluani
kajumissutsimik sulinermik kultureqalersitsinissamut eqeersimaartumik piginnaasat
ineriartortinnerisigut akissusaanerup tignissaanut nunami innuttaasunut
tunniussaqaqartumik sulissuteqassapput.
- 2) timersortarfiit, tassani illuatungeriit timersortarfinnut tunngatillugu pioreersunik
siunissamilu pisariaqartitanik misissuissapput. Misissuinermi ilaatigut aamma
timersortarfiit ukiuni qulini tullinnguuttuni qanoq annertutigisumik
ineriartortinneqassanersut ilaatinneqassapput.
- 3) pissartanngorniunnerit aqqissuunneqarnerat, illuatungeriit pissartanngorniunnerit
nutaamik aqqissuunneqarneranut periarfissat qulaajassavaat.

Apeqquut 2: Timersuutitut ukununga Naalackersuisut suut pilersaarutigaat:

- a. Pikkorivissut akornanni?
- b. Timersornerit tamanit peqataaffigineqarsinnaasut?

Akissut: Apeqquutit 2 a aamma b ataatsimoortillugit akineqarput.

Kalaallit Nunaanni Timersoqatigiit Kattuffiata anguniagaa, 2030-mi nunarsuarmi timimik aalatitsinerpaajussasugut, Naalackersuisunit tapersorsorneqarpoq. Tapersorsuiniarlutik Naalackersuisut isumaqarput, pisortat ingerlatsivii timersornikkut kattuffiit peqatigalugit inuiaqatigiinni timersorneq timigissarnerlu siuarsarnissaanut akisussaaffeqartut, tamatumani ilanngullugit atualingitsunut tunngaviumillu ilinniarfimmi atuartunut, ilinniartitaanermik ingerlataqartunut, sunngiffimmi neqeroorutini, suliffeqarfanni kiisalu peqqissaanermi isumaginninnermilu.

Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq tunngavigalugu Naalackersuisut timersornermut timigissarnermullu tunngatillugu iliuuseqarsinnaatitaapput. Inatsimmi allaqqavoq, Naalackersuisut Elite Sport Greenland-ip aammalu Kalaallit Nunaanni Timersoqatigiit Kattuffiata ingerlanneqarnissaannut ukiumoortumik tapiissuteqartartut. Tamatuma saniatigut Naalackersuisut timersortarfinnik sanaartornermut, iluarsaassinermut aaqjissuussinermullu tapiissuteqarsinnaapput.

Pissutsit taamaatillugit innuttaasut aliikkutaralugu timersornermi peqataasinnaanissaannut atugassarititaasut sapinngisamik pitsaanerpaajussasut Naalackersuisut anguniagaraat.

Timersortoqassappat atugassarititat timersoriaatsinut ataasiakkaanut naleqqussakkat nalinginnaasumik pisariaqartarput. Taamaammat Naalackersuisut anguniagaraat, atugassarititaasut sumiiffinni pisariaqartitanut tapersorsuissasut aammalu illuut pioreersut aserfallatsaaliorneqarlutillu ineriartortinneqassasut.

Timersornerit tamanit peqataaffigineqarsinnaasut ilaatigut aamma pikkorivissunngortarput, taamaamallu timersornerit tamanit peqataaffigineqarsinnaasut unammisartunut pikkorivissunut aamma pingaaruteqarpoq. Timersornerit tamanit peqataaffigineqarsinnaasut atugassarititaasut pitsaagunik unammisartunut pikkorivissunut aamma pitsaassapput. Naalackersuisut 2023-miit Elite Sport Greenland-imit aningaasaliissutit annertusivaat, taamaaliornikkut Elite Sport Greenland timersortartunik sungiusaasunillu piginnaasanik siuarsaaneq aammalu sulilluarnerusinnaaneq ukkatarisinnaalerlugit. Illuatungeriit pingaartippaat, timersortartut siunnersuinikkut isumasiornikkullu inerisarnissaat siunertaralugit immikkut kattuffiit Elite Sport Greenland-imit tapersorsorneqassasut.

Apeqquut 3: *Eqqartukkamut tunngasunik allanik soqutiginaatilinnik Naalakkersuisut paasissutissiisinnaappat?*

Akissut: Allanik ilanngussassaqaqanngilaq.

Inussiarnersumik inuulluaqqusillunga

Aqqaluaq B. Egede